

For more information, please call/text us at: **0920-911-1398** or visit:
www.philrice.gov.ph | www.pinoyrice.com

40 Kilo Certified Seeds Sapat na sa Isang Ektarya

Ang certified seed (CS) ay binhing galing sa bunga ng registered seeds na pinaka-ingatang mabuti upang matiyak ang pagka-puro nito. Ito ay pinadadami at ipinagbibili ng mga accredited seed growers at mayroong kulay asul na tag ng National Seed Quality Control Services (NSQCS).

Bakit 40-Kilo Certified Seeds lang sa isang ektarya?

- Ang Certified Seeds ay nakapagbibigay ng 5-10% na taas ng ani kaysa sa ordinaryong binhi.
- Ayon sa pag-aaral, may kakayahan ang Certified Seeds na makalikha ng 1.3 milyong punla. Ito ay katumbas ng limang beses ng kinakailangang binhi para sa isang ektarya.
- Kahit kalahati sa mga buto ng Certified Seeds ang hindi sumibol o nasira, sapat pa ang natitirang kalahati nito para matamnan ang isang ektarya.
- Ipinapayong bumili lamang ng certified seeds sa tuwing magsasakahan. Gayunman, ligtas pa ring gamitin ang ani sa dalawang magkasunod na panahon kung regular ang pagtatanggal ng mga hindi kauri o lahok sa buong yugto ng pagkakatanim.



Ang certified seeds ay mataas ang kalidad at dumaan sa masusing pagpupuro ng magbibinhi.

Paano Gamitin

- 1** Maghanda ng 400m² kamang punlaan. Maaaring gamitin ang isa sa mga sumusunod:
 - 10 kamang punlaan na may sukat na 2 metro x 20 metro bawat isa
 - 20 kamang punlaan na may sukat na 1 metro x 20 metro bawat isa
 - 40 kamang punlaan na may sukat na 2 metro x 5 metro bawat isa

- 2** Maghalo ng organikong pataba sa ibabaw ng kamang punlaan. Gumamit ng kompos o mga binulok na bagay tulad ng pinatuyong dumi ng manok, inuling na ipa o *carbonized rice hull*, o dayami.

- 3** Isabog ng pantay-pantay ang 40-kilo na Certified Seeds sa kamang punlaan.

Mahalaga na sundin ang tamang sukat ng kamang punlaan upang matiyak ang malusog na paglaki ng mga punla.

- 4** Ilipat-tanim sa gulang na 20-25 araw.

